



855 Starfsábyrgðartrygging rekstrarráðgjafa

VÁTRYGGINGARSKILMÁLAR

1. Lög um vátryggingarsamninga.

- 1.1 Að öðru leyti en kveðið er á um í skilmálum þessum, vátryggingarskírteini eða öðrum gögnum, sem vátryggingarsamningurinn byggir á, gilda um hann lög nr. 30/2004 um vátryggingarsamninga.

2. Gildissvið vátryggingarinnar.

- 2.1 Vátryggt er gegn skaðabótaskyldu er fellur á vátryggingartaka sem rekstrarráðgjafa þegar þriðji maður verður fyrir almennu fjártjóni vegna gáleysis vátryggðs sjálfs eða starfsmanna hans.
- 2.2 Með almennu fjártjóni samkvæmt 1. mgr. (málgrein) er átt við tjón sem ekki verður rakið til líkamstjóns eða skemmda á munum.

3. Undanskildar áhættur.

- 3.1 Vátryggingin tekur ekki til ábyrgðar sem rakin verður til:
- þess að vátryggingartaki vanrækir skyldur sínar af ásetningi,
 - þess að vátryggingartaki tekur á sig ábyrgð sem er víðtækari en almenn bótaskylda hans sem rekstrarráðgjafa,
 - svika af hálfu vátryggingartaka eða starfsmanna hans,
 - sekta, en þó nær vátryggingin til viðurlaga sem handhafi stjórnvalds leggur á vátryggingartaka eða þriðja mann vegna ábyrgðar samkvæmt gr. (grein) 2.1 hér að framan,
 - starfa vátryggingartaka utan Íslands eða bótaábyrgðar sem er ríkari en eftir íslenskum reglum um skaðabótagrundvöll eða ákvörðun bótafjárhæðar,
 - slyss á manni, annars líkamstjóns eða skemmda á munum.
- 3.2 Vátryggingin nær ekki til skaðabótaábyrgðar vegna taps eða tjóns sem tafar beint eða óbeint, að öllu leyti eða hluta af:
- áhrifum dagsetninga á starfsemi búnaðar, kerfa eða samblands þessa hvoru tveggja,
 - umsjón með eða ráðgjöf um áhrif dagsetninga á starfsemi búnaðar, kerfa eða samblands þeirra,
 - eftirliti, viðurkenningu, ákvörðun, staðfestingu eða áritun um aðstæður þar sem áhrif dagsetninga á starfsemi búnaðar, kerfa eða samblands þeirra skipta máli, þar með talið en þó ekki takmarkað við störf framkvæmdastjóra, stjórnarmanna og endurskoðenda að verkefnum sínum.
- 3.3 Í 2. mgr. er:
- með **“dagsetningu”** átt við tilgreiningu tíma sem byggist á almanakskerfi þegar tímasetningin verkar sem upplýsingar, kóti, merki eða með hvers konar öðrum hætti í búnaði, kerfi eða samblandi þess hvoru tveggja,
 - með **“búnaði”** átt við hvers konar vélar, tæki, vörur og aðra ápreifanlega hluti eða hóp hluta, hvort sem um er að ræða fasteign eða lausafé, þar með talið en þó ekki takmarkað við vélbúnað tölva, hugbúnað eða samþætt rafeindakerfi, þar með talið örgjörvar og kísilflögur,
 - með **“kerfi”** átt við hvers konar upplýsingar, fyrirmæli eða safn þess og hvers konar miðil fyrir upplýsingar og fyrirmæli í tölvutæku formi, á pappír eða í formi geisla, bylgna, eðlisfræðilegra áhrifa, efnaferla eða annars óápreifanlegs eða ápreifanlegs.

4. Vátryggingarfjárhæð.

- 4.1 Ábyrgð félagsins vegna hvers einstaks tjónsatviks takmarkast við þá vátryggingarfjárhæð (að fráreginni eigin áhættu) sem tilgreind er í skírteini eða iðgjaldskvittun hvort sem bótaskylda fellur á einn eða fleiri rekstrarráðgjafa sem vátryggðir eru með skírteininu. Heildargreiðsla félagsins vegna allra tjónsatvika innan hvers vátryggingartímabils sem rakin verða til þeirra rekstrarráðgjafa sem vátryggðir eru með skírteininu getur þó ekki orðið hærri en vátryggingarfjárhæðin (að fráreginni eigin áhættu).
- 4.2 Félagið greiðir kostnað sem eðlilegt er að vátryggingartaki stofni til vegna ákvörðunar um skaðabótaskyldu eða -fjárhæð, enda þótt greiðsla félagsins fari af þeim sökum fram úr vátryggingar- fjárhæðinni. Sama gildir um vexti, sem vátryggingartaki er dæmdur til að greiða af skaðabótakröfu sem vátryggingin tekur til.



855 Starfsábyrgðartrygging rekstrarráðgjafa

VÁTRYGGINGARSKILMÁLAR

4.3 Sé váttryggingarfjárhæðin minni en dæmdar skaðabætur er félaginu þó aðeins skylt að greiða þann hluta vaxta og kostnaðar er svarar til bótafjárhæðar þeirrar, sem því ber að greiða.

5. Eigin áhætta.

5.1 Af hverju tjóni ber váttryggingartaki 10% eigin áhættu. Eigin áhætta hans sætir þó lágmarki og hámarki sem getið er á skirteini eða iðgjaldskvittun. Lágmarks- og hámarksfjárhæðir þessar breytast árlega eftir vísitölu, sbr. (samanber) gr. 12.

6. Tímatakmörk.

6.1 Váttryggingin tekur til tjóns sem kemur í ljós og tilkynnt er félaginu á váttryggingartímanum án tillits til þess hvenær skaðaverk eða athafnaleysi, sem leiðir til tjóns, á sér stað.

6.2 Félagið greiðir tjónabætur allt að þeirri váttryggingarfjárhæð sem gildir þegar tjón kemur í ljós samkvæmt framansögðu.

7. Önnur váttrygging.

7.1 Þegar tjón hefur orðið og í gildi er önnur váttrygging sem tekur til tjónsins, skal uppgjör bóta fara fram eftir því sem mælt er fyrir um í 37. gr. laga nr. 30/2004.

8. Ráðstafanir vegna tjóns og greiðsla bóta.

8.1 Jafnskjótt og váttryggingartaki fær vitneskju eða grun um að skaðabótakrafa verði gerð á hendur honum ber honum að tilkynna félaginu það skriflega.

8.2 Félagið er ekki bundið af því ef váttryggingartaki viðurkennir skaðabótakröfu, nema leitt sé í ljós að váttryggingartaki gerði aðeins það sem honum var skylt að lögum er hann greiddi kröfuna eða viðurkenndi réttmæti hennar.

8.3 Félagið má greiða skaðabætur beint til þriðja manns (tjónþola) nema hann hafi þegar fengið tjón sitt bætt hjá váttryggingartaka.

9. Gerðardómur.

9.1 Váttryggingartaki og félagið geta samið um að skjóta til gerðardóms ágreiningi milli þeirra um:

- hvort váttryggingin taki til tiltekins tjónsatviks,
- hvort váttryggður beri skaðabótaábyrgð gagnvart þriðja aðila,
- fjárhæð skaðabóta.

9.2 Gerðardómurinn skal skipaður þremur mönnum. Félagið velur formann sem fullnægja skal skilyrðum til að vera hæstaréttardómari. Stjórn Félags rekstrarráðgjafa velur báða meðdómendur sem skulu vera endurskoðendur nema stjórnin telji ástæðu til annars.

9.3 Gerðardómurinn ákveður hver skuli greiða kostnað af gerðinni.

9.4 Dómum eða úrskurðum gerðardómsins verður ekki skotið til almennra dómstóla nema annað leiði af lögum, svo sem lögum nr. 53/1989 um samningsbundna gerðardóma, en þau lög gilda um gerðardóminn eftir því sem við á.

10. Aukin áhætta.

10.1 Verði breytingar á atvikum eða upplýsingum sem félaginu hefur verið skýrt frá í váttryggingarbeiðninni eða á annan hátt skal váttryggingartaki tilkynna félaginu um þær. Vanræki váttryggingartaki tilkynningarskyldu sína og verði tjón af völdum hinnar breyttu áhættu lækkar ábyrgð félagsins að tiltölu miðað við þá iðgjaldshækkun sem félagið hefði áskilið sér vegna áhættubreytingarinnar.

11. Greiðsla iðgjalds.

11.1 Greiða skal fyrsta iðgjald þegar váttryggingin gengur í gildi og síðari iðgjöld á tilgreindum gjalddögum. Félagið sendir váttryggingartaka tilkynningu um greiðslu iðgjaldsins. Í tilkynningunni skal greiðslufrestur tilgreindur sérstaklega sem skal vera einn mánuður hið skemmsta frá þeim degi sem tilkynningin er send.

855 Starfsábyrgðartrygging rekstrarráðgjafa

VÁTRYGGINGARSKILMÁLAR

- 11.2 Sé iðgjald ekki greitt þegar greiðslufresti lýkur samkvæmt 1. mgr. er félaginu heimilt að senda sérstaka aðvörun þar sem greiðslu er krafist innan 14 daga ella fellur váttryggingin niður sé iðgjaldið þá enn ógreitt.
- 11.3 Hafi váttryggingartaki ekki samið sérstaklega við félagið um greiðslu iðgjaldsins áður en frestur samkvæmt 2. mgr. rennur út telst það ógreitt, ef það er ekki að fullu greitt þegar fresturinn er úti.
- 11.4 Krafa um greiðslu iðgjalds er send á heimilisfang váttryggingartaka sem tilgreint er í þjóðskrá nema hann hafi tilgreint annað heimilisfang sérstaklega. Breytingar á tilgreindu heimilisfangi skal þegar í stað tilkynna félaginu.
- 11.5 Falli váttrygging niður samkvæmt 2. mgr. skal váttryggingartaki engu að síður greiða iðgjald fyrir það tímabil sem váttryggingin var í gildi. Reiknast þá iðgjaldið sem um skammtímatryggingu hafi verið að ræða.
- 11.6 Við innheimtu iðgjalds er félaginu heimilt að innheimta sérstakt gjald, sem nánar skal tilgreint í iðgjaldaskrá til að standa straum af kostnaði við innheimtu iðgjaldsins. Þess skal einnig getið sérstaklega í tilkynningu um greiðslu iðgjaldsins.

12. Vísitölubreytingar.

- 12.1 Váttryggingarfjárhæð samkvæmt 4 gr. og lágmarks- og hámarksfjárhæðir eigin áhættu samkvæmt 5. gr. sem tilgreindar eru í skírteininu breytast árlega í hlutfalli við breytingar á vísitölu neysluverðs til verðtryggingar. Iðgjaldið breytist á sama hátt.

13. Gildistaka og lok váttryggingar.

- 13.1 Váttryggingin tekur gildi þegar félagið samþykkir váttryggingarbeiðni. Váttryggingin gildir fyrir það tímabil sem tilgreint er í váttryggingarskírteini eða iðgjaldskvittun. Þegar tímabilinu lýkur framlengist váttryggingin um eitt ár í senn nema váttryggingartaki hafi sagt henni upp innan mánaðar frá því að félagið sendi tilkynningu um gjalddaga hins nýja tímabils samkvæmt gr. 11.1. Ekki er þó skylt að tilkynna uppsögn fyrr en tvær vikur eru til loka tímabilsins. Sé váttryggingin hins vegar tekin vegna atvinnurekstrar og umfang rekstraraðila samsvarar fleiri en fimm ársverkum eða starfsemin fer að mestu leyti fram erlendis skal uppsögnin ávallt hafa borist félaginu í síðasta lagi einum mánuði fyrir lok tímabilsins.
- 13.2 Þegar váttrygging er tekin vegna atvinnurekstrar og svo háttar um reksturinn sem greinir í lokamálslið 1. mgr. getur váttryggingartaki ekki sagt váttryggingarsamningnum upp á váttryggingartímanum til að flytja váttrygginguna til annars félagsins.
- 13.3 Nú hefur váttryggingaratburður orðið, sem leitt hefur til alvarlegs trúnaðarbrests milli félagsins og váttryggingartaka, eða áhættumat, sem er til grundvallar váttryggingunni og iðgjald miðast við, hefur gerbreyst, er félaginu þá heimilt að segja tryggingunni upp með tveggja mánaða fyrirvara. Verði þrjú bótaskyld tjón á 18 mánaða tímabili hefur félagið rétt til þess að segja váttryggingunni upp. Skrifleg uppsögn skal fara fram án ástæðulauss dráttar eftir að félaginu varð kunnugt um atvik sem veita því rétt til uppsagnar. Félaginu er skylt að endurgreiða hlutfallslega iðgjald fyrir þann tíma sem eftir er af váttryggingartímabilinu.

14. Meðferð ágreiningsmála og varnarþing.

- 14.1 Verði ágreiningur um váttrygginguna, og úr þeim ágreiningi er ekki leyst með gerðardómi samkvæmt 9. gr., skal íslenskur dómstóll skera úr honum samkvæmt íslenskum lögum, nema annað leiði af þjóðréttarsamningum sem Ísland er bundið af.
- 14.2 Ágreiningi varðandi váttryggingarsamning og bótaskyldu félagsins að öðru leyti má skjóta til úrskurðarnefndar í váttryggingamálum. Upplýsingar um nefndina og starfshætti hennar má fá hjá félaginu.
- 14.3 Þrátt fyrir úrræði 2. mgr. er aðilum heimilt að leggja ágreininginn fyrir dómstóla. Slík mál, svo og önnur mál sem rísa út af váttryggingu þessari, skulu rekin fyrir Héraðsdómi Reykjavíkur. Félaginu er þó einnig heimilt að höfða mál út af váttryggingunni á heimilisvarnarþingi váttryggingartaka.
- 14.4 Heimili félagsins og varnarþing er í Reykjavík.

Skráning í tjónagrunn Creditinfo Lánstrausts hf.

Tjón sem tilkynnt eru til váttryggingafélaga eru skráð í sérstakan tjónagrunn sem rekinn er af Creditinfo Lánstrausts hf. samkvæmt samningi við Samtök fjármálafyrirtækja (SFF) sem félagið á aðild að og samkvæmt heimild Persónuverndar. Félagið telst ábyrgðaraðili í skilningi persónuverndarlaga nr. 90/2018 vegna skráningar



855 Starfsábyrgðartrygging rekstrarráðgjafa

VÁTRYGGINGARSKILMÁLAR

Þess á upplýsingum í grunninn og uppflettingum sem framkvæmdar eru á vegum þess. Tilgangur með skráningu í tjónagrunninn er að stemma stigu við vátryggingarsvikum og ofgreiðslu vátryggingabóta. Skráðar eru upplýsingar um kennitölu tjónþola, tjónsnúmer, tegund vátryggingar og tjóns, dagsetning tjóns og skráningar, staðsetning tjóns og eftir atvikum einkvæmt númer hins vátryggða, s.s. skráningarnúmer ökutækis. Við skráningu tjóns fær félagið yfirlit yfir öll tjón sem tjónþoli hefur tilkynnt óháð félagi og skráð hafa verið í tjónagrunninn. Eingöngu starfsmenn félagsins sem skrá tjón og vinna að tjónauppgjöri hafa aðgang að tjónagrunninum. Upplýsingum skal eytt úr tjónagrunni þegar þeirra gerist ekki lengur þörf í þágu tilgangs vinnslunnar, í síðasta lagi þegar 10 ár eru frá skráningu upplýsinganna.

Skilmálar þessir gilda frá 15. janúar 2019.